

Loloh Kunyit





Ritatkala semengan, Sekar suba bangun. Ia setara nampedang tongos pasirepanne.



Saget, ada munyin anak kokoan.

Munyin kokohanne ento medingehan uling kamarne Adi. Adi tuah adinne Sekar.

KOH!

KOH!

KOH!



Sekar ngenggalang ke kamarne Adi.
Lantas, ia ngetok jelanan kamarne Adi.



Adi lantas ngungkabang jelanan kamarne.
Saget beneh...! Tuni ento munyin kokoanne Adi.
Adi kokoan ulian bes liu naar coklat.
Adi kokoan keras pesan.



Muanne Adi pucet lan awakne kebus.
Sekar ngorahin Adi apang mesare di kamarne.



Lantas, Sekar ngalih I Meme di paon. Sekar
ngidih tekan I Meme apang nyemakang
ubad kokoan baang Adi.

Nanging, Meme tusing nyemakin ubad
kokoan. Meme saget mejalan ke abian
di durin umahe. Meme ngaba besek lan
tambah cenik. Sekar paling, ngudyang
I Meme mejalan ke abian?



??



Sekar milu nututin I Meme mejalan ke
abian di durin umahe. Saget, Meme
ngebet kunyit ane ada di abianne. Sekar
nyangetang paling, ngudiang I Meme
ngebet kunyit?



??



Saget, I Meme lakar ngae loloh konyit baang Adi.
Sekar metakon, ngudiang Meme ngae loloh kunyit?



Meme lantas nuturin Sekar. Kunyit ento buah bebungkilan
anggon ngae loloh. Loloh kunyit ento buah ubad tradisional.
Loloh kunyit nyidang anggon ngubadin kokoan.





Lenan tekan kunyit, meme masih memula jae lan cekuh.
Meme demen memula bebungkilan anggon ubad tradisional.



Lantas, Meme ngajakin Sekar ngae loloh kunyit.
Yee! Sekar demen pesan ulian ajakine ngae loloh.







Disubane mekelo, yehe suba meluab lantas saibne.



Apang rasanne jaen, Meme ngimbuhin madu acanting.
Aduk-aduka kanti mecampur.



Loloh kunyit pegaen Meme lan Sekar suba pragat.



Sekar ngenggalang ngaba loloh kunyite ento ke kamarne Adi. Sekar ngetok jelanan kamarne Adi.

Sekar ngemaang Adi agelas loloh kunyite ento.
Kewala Adi tusing nyak naar lolohe ento.
Adi ngorahang rasan loloh kunyite pait.



Sekar ngorahin Adi nyicipin abedik dogen lolohe ento.
Lantas Adi nyak nyicipin loloh kunyite ento.





Saget Adi demen! Loloh kunyite rasanne jaen ulian suba meimbuh madu. Adi lantas ngenggalang nelahang loloh kunyite ento.



Buin manine, Adi bangun kendel pesan. Kokohan Adine suba ilang. Kolonganne suba tusing genit buin.



Adi matur suksma tekening Meme lan Sekar.
Ulian suba gaenange loloh kunyit,
ane ngaenang kokohanne seger.



Disubane sanja, Adi lan Sekar mejalan ke abianne.
Ia ajake dadua sibarengan memula kunyit, jae lan cekuh.
Bebungkilan ento dadi anggon ngae loloh.



Loloh Kunyit



Loloh kunyit inggih punika silih sinunggil ubad tradisional asli Indonesia. Loloh kunyit melakar aji kunyit kebaos sesoroh bebungkilan sane akeh kapula ring Indonesia. Kunyit medaging zat antioksidan lan antiperadangan sane mawinan cocok keangge lakar ubad alami makeh penyakit.

